

AB

13543



1. 00 Du
2. Titellbl. felle
3. Op. Quabg: 00 Du
4. 00 Du
5. i. Inbl. Da.

7

we

U. q. 70.







1. 00 In





6

# Des Durchlauchtig-

sten / Hochgebohrnen Fürsten vnd  
Herrn / Herrn Christiani des andern / Herzogen  
zu Sachsen / des heiligen Römischen Reichs Erzmar-  
schaln vnd Churfürsten / Landgraffen in Düringen / Marggraffen  
zu Meissen / vnd Burggraffen zu Magde-  
burg.

Appellation Ordnung / wie es  
forthin in derselben Appellationgericht ge-  
halten werden sol.



CVM GRATIA & PRIVILEGIO.  
Gedruckt zu Dresden / bey Hieronymo Schick/  
Anno 1607.



Faint, illegible text, possibly bleed-through from the reverse side of the page.

Application of the ...  
Faint, illegible text, possibly bleed-through from the reverse side of the page.



Faint, illegible text, possibly bleed-through from the reverse side of the page.







In Gottes

gnaden / wir Christen  
einander / Herzog  
zu Sachsen / des heiligen  
Römischen Reichs Erzmarschal  
und Churfürst  
Landgraff in Thüringen /  
Marggraff zu Meissen / und Burggraff zu Mag  
deburg / vor uns / vñ in Vormundschaft der Hoch  
gebornen Fürsten / vnser freündlichen lieben Brü  
dere / Herrn Johans Georgen / und Herrn Augu  
sten / Herzogen zu Sachsen &c. Thun kunt vñnd  
bekennen.

Nachdem wir uns / in vnserer angehenden  
Churfürstlichen Regierung erinnert / das uns /  
negst erhaltung vñnd fortpflanzung der waren se  
ligmachenden lehre Göttliches worts / gebürt vñ  
justehe / darob zu sein / damit in vnsern Landen  
gleichmässige iusticia befördert / vñnd jedermännig  
lichen gebürendes Recht wiederfahre vñnd mitge  
theilt werde / das aber hierzu sonderlich nützlich  
vñnd zutreglich sey / wann die Gerichte / an welchen  
man sich solchs Rechtens zuerholen / mit redliche /

A ij

vffrichti



offrichtigen/verftändigen vnd wolerfahrenen Pers  
sonen befehle/ vnd guten heilsamen ordnungen ge  
faßt würden / solches auch förmlichen in denen  
Gerichten/welche vber das/was an andern orten  
geurtheilet worden/weiter zuerkennen/vnd dassel  
be entweder zu confirmiren, oder zu retractiren  
haben / desto mehr vermöthen/je mehr autoritet,  
ansehens vnd gewalts sie haben. Derowegen  
dann unsere löbliche/Hochgeehrte Vorfaren/lob  
licher vnd seliger gedechtnis/vber andere/ in die  
sen Landen bestalte Gerichte / ein sonderlich Ap  
pellationgericht/in welchen / so offte von denen inn  
andern Gerichten ergangenen Urtheiln / an ihre  
selige S. S. appellirt / oder wenn sonst die sache  
vor denselben ohne mittel zu Recht anhengig wor  
den/in irer seligen S. S. Namen / die Urtheil ge  
faßt vnd publicirt würden/verordnet/vnd weil sol  
ches das höchste Gerichte diser Lande ist / von des  
me / kraft wolhergebrachtes vnd befestigttes  
Privilegij, weiter zu appellire nit verstatet wird/  
hitzu neben den Hoffrathen / etliche wol qualifi  
cirte Personen/zugewissen Terminen jedes Jahr  
beschrieben/vnd ihnen/wes sie sich zuuerhalten/  
nach sargefallener gelegenheit/durch vnterschied  
liche derwegen ergangene Beschliche/ die gebüh  
rende



rende mas vnd ordnung/geben/vñ hircdurch/ auch  
durch publicirte sonderliche Constitutiones, dis  
Gericht zu fortsetzung der Iusticien, vnd derselben  
Landen vñ Leuten zu nutz vnd trost in gutem stan  
de vnd werden erhalten/welches wir aus obange  
rechten vrsachen nicht weniger zuhan gnedigst  
gesonnen.

Als haben wir/wie es mit bemeletem Appella  
tiongerichte bisshero gehalten worden/ volkmen  
diglichen Bericht eingenomen/vns in den/derene  
wegen ergangenen Befehlichen vñnd publicirten  
Constitutionibus ersehen/vñ solches alles/ so viel  
es dis Appellationgericht/vñnd desselben Proceß  
belanget/nach vorgehender fleisiger berathschla  
gung/auch weiterer erklerung vñnd verbesserung  
onserer getrewen Landschafft/vmb mehrer gewiß  
heit vnd richtigkeit willen/ in eine sonderliche ord  
nung zusammen verfassen lassen/wie hernach fol  
get.

Wie viel/vnd was für Personen/ in  
onserm Appellationgericht sitzen  
sollen.

¶ Vm Ersten/ sollen zu dem Appel  
lationgericht onserere Hoffrätthe gebraucht/vñ  
denselben aus onsern Landen vnd Vniversiteten/

Aiij

Cliff



Filff Personen / deren Igleicher auff seinen stand  
wol erfahren/geübt/auffrichtig/geschickt vnd ver-  
stendig sey/zugeordnet werden.

Wiewiel aber nu/vnd mehr/aus vnsern Hoff-  
rätthen/zu solchem Appellationengericht/zugebrau-  
chen/das sol vnser Cantzler/nach gelegenheit der  
damals fürstehenden Regierungssachen/vnd an-  
sal der gegenwertigen Räche/mit vnserm vortris-  
sen/zuverordnen haben. Derselbe aber gleichwol  
in allewege dahin sehen/dz die/welche am besten  
qualificirt, auch soniel sichs füglich leiden wil/et-  
nerley Personen/welche dem Gerichte zu jedern  
Termin beywonen/darzu deputirt werden.

Aus denen/zu dem Appellationengerichte ver-  
ordenten Personen/wollen wir einen Presidenten  
ernennen/welcher bey angehenden vnd wterenden  
Terminen / auch die zeit des Gerichts vber / den  
Proceß/diser ordnung nach/zu dirigiren, vnd dar-  
über zu halten/macht haben sol.

Von des Presidenten/vnd der Bey-  
sitzer Amt.

Der bemelte President vnd Beysis-  
tzer/sollen dem Gerichte trewlich vnd fleißig  
beywonen/vnd weil die mündlichen verhören/  
ohne das/durch vnserer/zur Regierung verorden-  
te



te Hoffrache/verrichtet werden/fürnemlichen der  
Rechtssachen abwarten/vund eines jeden Parts  
sachen eigentlich vernemen/verstehen/ vnd fleißig  
betrachten/damit niemandes verlegt/Sondern  
einem jedern ohne ansehung der Personen/ oder  
einigen andern respect, gleichmäßige Iusticia wi-  
derfahren müge.

Auff das auch solches desto füglicher geschehe/  
vund ein jeder die sachen desto besser einzunemen/  
So sollen sie alle die Acten Collegialiter vund zu  
gleich lesen/vnd fleißig protocolliren jedoch/wan  
die sachen nicht sonderlich bedenklich/Als/wann  
sie auff den prapatorijs oder andern geringen  
puncten stehen/mügen sie dieselben vmb mehrer  
beförderung willen/vnter sich theilen/aber gleich  
wol also/das bey verlesung einer sachen vffs we-  
nigste drey oder vier Personen sein/dieselben aber  
für sich alleine nichts endlichen decidiren, Son-  
dern hernacher dem ganzen Collegio referiren,  
vnd sie allerselts dorinnen schliessen.

Nach vorlesung der Acten/sol ein jeder/vund  
einer nach dem andern/seine meinung vnd gutach-  
ten darauff anzeigen/vnd der President die umb-  
frage/nach unterschiedlicher gelegenheit/derer in  
diesem Verichte verordneten Personen geschicklig-  
keit/



keit/ halten/ auch folgents den Schluß machen/  
vnd sol ein jeder sein bedencen/ mit anzeigung der  
motiuen vnd vrsachen/ außführlichen/ verstendig  
lich vnd schließlichen vermelden/ vnd keiner dem  
andern/ weil er votiret, einreden/ sondern einander  
wol außhören. Do aber die sachen nicht sonder  
lich bedenclich/ vñ die hernach folgenden stimmen/  
mit den vorgehenden einig/ auch derwegen nichts  
newes anzuziehen haben / sollen sie ihre meinung  
desto kürzer fürbringen/ vnd sich mit langen vo  
tirn vnd widerholen/nicht vergeblich auff halten.

Vnd wann also eines jedern meinung an  
gehört/ vnd sie nit alle gleichstimmig weren/ Sol  
noch eine vmbfrage gehalten / vnd do sie sich auch  
damals nit vergleichen/ auff die meinung/ welche  
die meisten stimmen hat/ geschlossen werden. Do a  
ber die stimmen gleich/ Sol der President der sachen  
einen ausschlag zugeben haben / vnd bey der me  
nung/ ders er bepflichten wird / verbleiben / Es  
were dann / das einer oder mehr ihres bedencens  
solche erhebliche vnd rechtmäßige vrsachen hette/  
das derowegen die notturfft zu sein erachtet wür  
de/ hierüber auch vnseres Kanzlers bedencen zu  
vernehmen/ sol alsdann auch desselben/ vnd nach  
gelegenheit der sachen wichtigkeit/ der andern vn  
serer Hoffrätthe meinung angehört werden.

Ende



Endlichen/ wann sie sich einer schließlichen  
meinung vergleichen/ so sollen sie derselben nach/  
ein Urtheil in gewöhnlicher form fassen/ vnd dassel-  
be nicht eher publiciren lassen/ es sey dann/ das es  
ihnen in gemein fürgelesen/ vnd sie mit der form al-  
lerseits einig sein.

Dieweil aber sonderlich nach gelegenheit des  
Sächsischen Rechts/ viel thun in dem vbllichen  
Gerichtsbrauch stehet/ auch sonst die fälle/ nach  
unterschiedlichen ombstenden/ so mit vnterlauffen/  
sich offtmals verendern/ das derowegen sich alles  
in Schrifften nicht also fassen lesset / das nit täg-  
lichen etwas zube dencken fürfalle. So sollen vnse-  
re President vnd Bessizere/ wann etwa was zweif-  
felhaftiges vorsehe / es belange gleich den Pro-  
ces/ oder die merita, dasselbe in gute acht nemen/  
vnd was man sich in solchem fall verglichen/ vnd  
worauff man erkand/ in ein sonderlich Buch/ mit  
anziehung der ombstende/ fleißlich zusammen ver-  
zeichnen/ damit man in künfftigen fällen sich desto  
besser darnach zurichten haben, vnd in Urtheiln  
gleichheit halten müge.

Byd/ des Presidenten vnd

Bessizer.

B

Jch



**I**ch N. N. schwere / Als mich der  
Churfürst zu Sachsen etc. Mein gnedigster  
Herr in S. Churf. S. Appellationengericht zusi-  
ben verordnet hat / Dß ich daselbst zu Recht / nach  
meinem höchsten verstendnis sprechen / thun vnd  
handeln wil / vnd das nicht lassen vmb liebe / neid /  
gabe / freundschaft / noch keinerley sache willen /  
auch darumb von den Partheien insonderheit  
nichts nemen / oder wissentlich wartende sein. Wil  
mich auch allenthalben in sachen / zwischē meines  
gnedigsten Herrn Vnterthanen vnd andern / so  
vor diesem Gerichte zu thun haben / so lange ich  
dem Gerichte verwand bin / aufferhalb der sühne /  
wissentlich / zurathen oder zuschreiben / wann die  
vor dieses Appellationengericht komen sind / enthal-  
ten / bey der reinen Lehr vnd Christlichen Beken-  
nis dieser Lande / wie dieselbe in der Ersten vnge-  
enderten Augßburgischen Confession begriffen /  
vnd im Christlichen Concordienbuch repetirt vnd  
widerholet ist / bestendig vnd ohne einigen falsch /  
verbleiben vnd verharren / darwider nichts heim-  
liches oder öffentliches practiciren. Auch wo ich  
vermercke / das andere solches thun wollen / dassel-  
be nicht verhalten / sondern ohne schew / als bald  
offen



offenbaren/Do auch Gott verhengen möchte/(d) er doch gnediglich abwenden wolle/(das ich mich selbst/durch Menschen witz vnd wahn/von solcher reinen Lehr vnd erkenntnis Gottes/entweder zu den Papisten/Caluinisten/oder andern/obbemelter reinen Confession widrigen Secten/abwendet würde/solches an gebührenden ort vngescheht anmelden/vnd irer Ghurf. Gn. fernern verordnung vnd resolution hierinnen erwarten/ganz treulich vnd ohne gefehrde/Als mir Gott helff / durch Jesum Christum seinen Sohn vnsern HErrn.

Diesen End/sollen alle/in dem Appellationgericht verordnete Personen/welche vns mit sonderm Rathspflichten nicht verwand/ wirklich leisten. Die andern aber/ so die Rathspflicht geschwore/ weil doch ohne das in iren bestellungen die Appellationssachen mit eingezogen/mit fernern Ende verschonet werden/ vff hiebeuorn geleiste Pflicht/ nur ein handgelübdnis thun/sich dieser form gemess zu erzeihen.

Auff das sie auch desto freyer/ohne schew oder furcht/vnd ohne alles geferde/ allein der Warheit vnd der Gerechtigkeit zu gutem/ vrtheilen/erkennen vnd spreche mügen/ So wollen wir sie der andern ihrer Pflicht / welche sie vns aussershalb der

Bij

Appel.



Appellation sachen gethan/was das Gericht be-  
rühret/oder darein gehören würde/frey vnnnd vn-  
uerbunden hirmit auffgelöset haben.

Wo/vnd zu welcher zeit/das Appella-  
tiongericht gehalten werden sol.

**E**S soll vnser Appellationgericht  
allwege an dem ort/da vnserer/zur Regierung  
verordente Cankelen/ wesentlich sein wird / jedes  
Jahrs auff zwene Termin/ als des Winters omb  
Martini/des Sommers omb Trinitatis/ gehal-  
ten werden.

Vnd sollen vnserer hirtzu verordente/des Winte-  
ters acht tage nach Martini/des Sommers/acht  
tage nach Trinitatis beschrieben werden/vnd des  
Abents zuuor einkömen/ folgendes Tages frühe  
also bald den sachen einen anfang machen / vnnnd  
im Somer des Morgens omb sechs/des Winters  
omb sieben/bis zu zehen / Nachmittage aber von  
zweyen bis zu fünff vhren/zusamen kommen/vnd  
so lang bey einander verharren/bis alle sachen er-  
ledigt/vnd ihnen vnser verordenter President wi-  
derumb zu verreisen erlauben wird.

Wir wollen auch zu beförderung der Iusticien,  
in vnser Cankelen die verfügung thun/das die ie-  
nigen/



nigen/so zu solchem Gerichte verordent / zur zeit/  
wan dasselbige gehalten wird / mit andern vnsern  
sachen vnd geschäften sollen verschonet werden/  
damit sie / als welche die händel innen haben / den  
selben desto bequemer abhelffen mügen. Sollen  
derowegen vnser verordente sich darnach achten/  
das sie sich zur zeit des Gerichts nicht abwesend  
machen / noch andere sachen oder geschäfte hieran  
verhindern lassen / sondern des Gerichts zu gesatz-  
ter zeit vnd stunde abwarten / damit die gegenwer-  
tigen auff die abwesenden nicht warten / noch die  
hendel doher verzogen werden dürffen.

Do aber etwa jemandes aus leibes schwach-  
heit / oder durch vnser sonderer befeliche / zu erschei-  
nen verhindert würde / der sol solchs vns / oder vn-  
sers abwesens / vnsern wesentlichen Hoffrätthen /  
förderlich zu erkennen geben / damit solche zeit vber /  
die gebührliche anzahl der Besizer / mit andern  
Personen ersetzt werden müge.

Auff das auch die sachen desto eher befördert /  
vnd die zum Appellationgericht verordente / nicht  
erst vff dieselben / biß dorin beschlossen / warten /  
noch derowegen vffgehalten werden dürffen / So  
sollen allewege 8 . Tage nach Trinitatis / vnd 8 .  
Tage nach Martini in den sachen beschlossen / vnd

Bij

lenger



lenger nicht zuuersehen verstatet / auch derwegen  
die sachen die zeit vber / von einem Tage zum an-  
dern unterschiedlich gelegt / vnd also außgetheilet  
werden / das eines das andere nicht hindere / vnd  
die Aduocaten in solcher zeit fertig werden können.

Do auch etwa auff der Partheien ansuchen / zu  
ersparung der vnkosten / die sachen in vnsern Emb-  
tern daselbst zuuersehen committirt würden / Sol  
sich vnserer albereit in die Embter geschickten / vnd  
A. zu ende befindlichen ordnung nach / mit lit. A ver-  
halten werden.

**Was für Secretarien zu dem Appel-  
lationengericht zuuerordnen.**

**W**ir wollen zu diesem Appellati-  
onengericht / einen sonderlichen Secretarien  
verordnen lassen / welcher das Ambt eines Nota-  
rij / so gemeiniglich zu jedern Gerichten gebraucht  
zu werden pflegen / verwalten / vnd derwegen alle  
Supplicationes / welche die Rechtsfachen belan-  
gen / vnsern Rätthen fürtragen / vnd wann von ih-  
nen Proceß / oder anders darauff decretirt wordē /  
dasselbe stellen vnd formalisiren / vnd hierbey fleiß  
anwenden / das die Proceß in gewöhnlicher vnd hier-  
licher form / vnd also gestalt werden vñ außgehen /  
damit



Damit die sol stantialia eines jeden handels / dar  
rauff dieselben gerichtet / eigentlich voraus zuver  
nehmen.

Sol auch ferner daran sein / das solche Proceß /  
durch die hierzu bestalte Boten / den Partheien zu  
rechter zeit zugebracht werden / vnd die Relationes  
mit fleis zu den Acten schreiben / Auch sonst auff  
alles / was zu den Rechtsachen gehörig / einkömen /  
den tag / wann es einkommen / verzeichnen.

Die Acta / auch alle Brieff vnd Urkunden / die  
Gerichtlich einbracht / woluerwahren / vnd daran  
sein / das dieselbe sein ordentlich / wie eines vff das  
ander gehet / zusammen geheftet werden.

Vnd do sichs gleich zutrüge / das solche je zu zeti  
ten nach gelegenheit des versehens gesondert wer  
den müssen / Sol er doch / so bald darinnen geschlos  
sen / dieselbe wider einheften lassen / damit sie nicht  
von einander kommen mügen.

Vnd dieweil alle Acta zu protocolliren / wegen  
menge derselben / zu mühesam sein würde / so sol er  
zum wenigste bey einem jedern ein kurz verzeich  
nüs machen der producten vnd anders / so dorin  
nen ergangen / Als Citatio, Relatio, Klag / Accu  
satio contumacia, Eides delatio oder Relatio, Ex  
ceptio, Replica, Duplica, Triplica, litiscontestatio,  
Urtheil



Urtheil/Leuterung/vnd dergleichen/vnd dz blad/  
auff welchem ein jedes zu finden/darzu verzeichne/  
auch derwegen alle bletter numeriren/damit man  
desto ehe innen werden müge / wie weit in der sa-  
chen verfahren/vnd worauff es nochmals siehe.

Auff das auch zu solchem verzeichnis desto  
füglicher zukomen / Sol ein jeder Aduocat schul-  
dig sein/seine einbringen zu tituliren/vnnd solche  
Titul bald anfangs darüber schreiben auch wann  
er in derselbigem / was sonderliches in acht zuneh-  
men fürbringet/ Als da ist verbesserung der Kla-  
gen/Eides Delatio, Relatio, vnd dergleichen/das-  
selbe auff den rand Postilliren zu lassen/Darauff  
dann auch die hierzu verordnete Schreiber gute  
achtung geben sollen.

Die zeit ober/weil das Appellationengericht ge-  
halten wird / sol er bey denen hierzu verordneten  
Presidenten vnd Rätthen fleißig auffwarten/die  
gestalten Urtheil/vnnd was ihme mehr befohlen  
wird/fleißig vmbschreibē/des Presidenten gebots  
vnd verbots sich gemess vnd gehorsamlich zu ieder  
zeit erzeigen/vnd was hierüber sonst bey nach-  
folgentē Articulen vermeldet wird/so in sein Ambt  
gehörig/mit fleiß verrichten/ Sonderlich aber do-  
rauff fleißig acht haben/damit die Aduocaten die  
rechte



rechte zeit vnd was im versehen halten/ vnd dieser  
vnsrer ordnung gemess sich erzeigen.

Was der/ zum Appellationgericht ver-  
ordente Secretarius/ bey vortigen geleisten  
Pflichten angeloben sol.

**S**il der / zum Gericht verordent-  
te Secretarius/ vns ohne das/ sonderliche  
Secretarien Pflicht geleistet/ Sol er mit fernern  
Ende verschonet werden/ vnd nur auff hiezuorn  
geleiste Pflicht angeloben/ seinem Ambt vnd Be-  
fehlich mit getrewem fleis obzusein/ die Gerichts  
Acta, desgleichen alle Brieffe/ Schrifften vnd  
Abschrifften/ getrewlich zuuerrwahren/ vnd  
Brieffe/ vnd anders/ so Gerichtlich einbracht/ bey  
dem Gerichte zubehalten vnd zuuerrsorgen/ diesel-  
ben oder Abschrifften dauon/ ohne erkentnis vn-  
serer Rãthe/ niemands zugeben/ oder lesen zu las-  
sen/ alle heimligkeit des Appellationgerichts genz-  
lich zuuerschweigen/ keiner Partey wider die an-  
dere warnung zu thun/ noch zuraten/ auch von den  
Parteien in Nahthangendẽ sachen/ oder so seines  
wissens bald recht hengig werden/ oder andere von  
seinetwegen keinerley geschenck/ oder gaben zu ne-  
men/ noch ime zu nutz nemen lassen/ in was schein

**S**

das



das geschehen möchte/ vnd sonst alles zuthun vnd  
zulassen/was sich vermöge dieser ordnung/eignet  
vnd gebürt/getrewlich vnd ohne gefehre.

### Von dem Unterschreiber.

**S**Amie vnser Gerichtes Secretari  
aus sein Ampt desto besser verrichten möge.  
Wollen wir ime/aus vnser Sanctelen einen Unter  
schreiber zuordnen/welcher ihme in alle dem/was  
ihme/wie bemelt/zu thun obliegt/auff seinen ge  
heis/trewlich helfen sol/sonderlich aber/sol dieser  
die zeit ober/weil das Appellationgericht gehalten  
wird/bey denen hierzu verordneten Presidenten/  
vnd Rätthen/fleissig auffwarten/alle Acta, öffente  
lichen/vnd woluernemlich lesen/die gestelten Bra  
theil/vnd was ihme mehr befohlen wird/fleissig  
vmbschreiben/Auch sich sonst hierinnen aller ge  
bühr erzeigen.

### Was der Unterschreiber an geloben sol.

**U**nd wann vns auch der Unter  
schreiber/sonderliche Pflicht geleistet/So sol  
er bey solchen Pflichten angeloben/das er seinem  
Ampt/mit schreiben/lesen/vnd copiren/nach be  
scheide



schelde vnserer Presidenten / Hoff vnd Appellati-  
onrätthe / Auch des Gerichts Secretarie / mit gan-  
zem treuem fleiß obsein / dorinnen keine gefehrde  
gebrauchen / die heimlichkeit des Gerichts / als ge-  
faster Urtheiln / eingebrachten Kundschafften /  
Protocollen, Gerichtshandlung vnd Schrifften  
niemandts eröffnen / hören / oder lesen lassen / noch  
dauon Copen geben / anders dann mit erlaubniß  
vnserer Presidenten vñ Rätthe / oder Gerichts Se-  
cretarien / vñ darumb kein gescheneck von niemant  
des fordern / heischen / oder nemen / vnd sonsten al-  
les thun / was einen getrewen Schreiber gebührt /  
gewewlich / vngesehrlich.

### Von den Advocaten / vnd ihrem Amte.

**D** B wir wohl nicht vngeneigt we-  
ren / zu vnserm Appellationengerichte / sonder-  
liche Advocaten zuuerordnen / vnd zubestellen /  
Solches auch zu desto richtigerm Proceß nicht  
wenig fürtreulich sein möchte / Wann wir aber  
gleichwol nicht allein vermercken / wie die Partey-  
en gemeiniglich zu denen / welche sie selbst zu weh-  
len haben / mehr vertrauen tragen / Sondern das  
auch zum öfternmal / wann die Leute an gewisse

Si

Person



Personen verbunden/bey den sachen/wegen men-  
ge derselben vnd sonsten/der fleis nicht angewand  
wird/wie es die nocturffe wol erfordert/ vnd hier  
über den Partelen/welche von vnserm Hoffe weit  
entfessen/grosse vnkosten hierdurch würden geur-  
sacht werden/wann sie den Aduocaten/welche sie  
sonst in der nehe zuerlangen/allewege so weit nach  
ziehen solten/Derwegen dann auch bisweilen vff  
der Parteien ansuchen/zu ersparung der vnkosten/  
die sachen/darinnen zuuerfahren/in vnserer Emb-  
ter committirt zu werden pflegen / Welches aber  
ihnen/wann sie allein an gewisse Aduocaten ver-  
bunden sein solten/auch abgeschnitten sein würdel/  
sonderlich aber auch inn Appellationssachen/weil  
darinnen/so wol als in andern vom Munde in die  
Feder verfahren wird/den Partheien viel daran  
gelegen/das sie die Aduocaten/welche die sachen  
erster Instantz wol innen haben/gebrauchen/So  
lassen wir/aus diesen vnd andern bewegenden vr-  
sachen/gnedigst geschehen/das ein jeder den Aduo-  
caten/zu dem er das beste vertrawen hat/in seinen  
sachen gebrauchen müge.

Vnd sol demnach ein jeder Aduocat/welchem  
zuuersehen verstatet wird/ihme seiner Partheien  
sachen mit allen trewen fleis angelegen sein las-  
sen/



sen/ire notturfft wol erwegen/ vnd dieselbe geschick  
lich vnd förmlich vorbringen/ sich aber gleichwol  
hierbey der kürz/so viel möglich/ befeissen/ vnd  
damit solches desto fäglicher von ihnen geschehen  
müge/ Sol er allewege vor dem Rechtlichen Ter-  
min/ von seinem Parth gnugsamen bericht einne-  
men/ vnd solches nicht erst bis auff die vnnütze  
zeit des Gerichts/sparen.

Do; er auch aus solchem eingenommenen Be-  
richt vermercket/ daß dz Part eine böse vngegrün-  
de sache habe/ Sol er im seines nutz halben/nit  
vergebliche hoffnung machen/ sondern die vmbstän-  
de mit fleis/ vnd mit grunde zu gemäch führen/ vnd  
darauß verwarnen/ das er sich lieber selbst weise/  
als in vergebene vnkosten füre.

Sonderlich ader/ sollen sie auff die sachen/ so  
zwischen der Obrigkeit vñ Vnterthanen sich ver-  
halten/ fleißige achtung haben/ Dann was für  
mißuerstande/ Berrüttung vnd vnordnung aus  
dergleichen sachen entsethet/ das giebet leider die  
teglliche erfahrung/ Darumb so sollen die Aduoca-  
ten in solchen fellen die Leute/ denen sie dienen wol-  
len/ zu gebürendem gehorsam mit fleis vermanen/  
vnd sich derselben sachen anders nicht vnterwin-  
den/ es sey dann/ das sie scheinlichen befinden/ dz



die Leute hertz zu gut fug vnd recht haben/vnd das  
man sonst nicht geholffen werden mag. Außer-  
halb dessen aber sich dero gentslichen entschlagen.

Es sol auch ein jeder Advocat/er diene gleich  
dem Beklagten / oder dem Kläger/ sich alles des  
so nur zu vergeblicher verzögerung der sachen ge-  
reicht/mit allem fleiß enthalten/vnd den Proceß/  
wie es dessen gelegenheit an ime selbstent gibt/ oh-  
ne einige tergiverlution, auff's ehrist zum ende be-  
fördern/vnd sich sonst dieser vnser ordnung vnd  
angeschlagenen Mandat so hernach verzeichnet/  
B. mit lit. B gemess erzeigen.

### Von den Advocaten der Armen.

**D**amit sich unsere arme Unter-  
thanen nicht zubeklagen haben/das sie ar-  
muts halben/das Recht nicht hienaus führen köns-  
ten/vnd derowegen Rechtloß bleiben müsten/So  
wollen wir zu vnserm Appellationgericht einen  
sonderlichen Advocaten bestellen/welcher derglei-  
chen armen Parteien ohne einige derselben beloh-  
nung/in iren sachen treulich dienen/Auch derwe-  
gen mit nachfolgende Pflichten eingenommen wer-  
den sol. Jedoch das zuvor derjenige/ welcher seine  
armuth



Armut fürwendet; derselben halben von den Ge-  
richten/dorunter er gefessen/Schriffeliche/Glaub-  
würdige Kundschafft einbringen / Auch darauff  
hernach beschriebene End/onserer Regierung lei-  
ste/ond wann solches von ihme geschehen/sol nicht  
allein der Advocat/ihme vmb sonst zu dienen ver-  
pflichtet sein / Sondern er auch mit allen andern  
Sportula vñ Gerichtsgebür verschonet werden/  
Es were dann etwa eine solche sache/darinnen ei-  
nen/ vermüge der Rechte / sein Gegentheil zur  
Rechtfertigung zuerlegen schuldig were / Als:  
wann ein armer einen der alimenten halben / so  
derselbe ime zugeben schuldig sein sol / belangete/  
oder wann er einen ehlicher Gütter halben/als ob  
sie ime zum theil/oder gar zugehöreten/ beklagte/  
vnd hette scheinliche Vermutunge für sich dß sichs  
seinem fürgeben nach/so verhielte/Dann/weil sich  
der arme in solchen fällen der vnkosten bey dem be-  
klagten zuerholen/ist der Advocat ime vmb sonst  
zu dienen nicht schuldig/Zedoch sol er auch in densel-  
fällen/seine sache so lang ohne entgelt treiben/bis  
dem gegen:heil/den armen mit vnkosten zuerse-  
hen/aufferlegt werde.

End des Advocaten der  
Armen.

39



**I**ch N. schwere/dz ich von keinem  
Armen/deme ich/laut der Churf. Ordnung/  
zu rathen vñ zu dienen schuldig/keinen Sold noch  
Gabe fordern noch nemen/sondern an dem Sold/  
den mir der Churfürst zu Sachsen etc. Mein gne-  
digster Herr verordnet/begnügig sein/vnd demsel-  
ben armen/nach meinem höchsten verstendnis/ge-  
trewlich vorstehen vnd rathen / vnd Sñ. Chur.  
ordnung allenthalben geleben wil / Getrewlich  
vnd ohne gefehrde/Als mir Gott helffe.

Der armen Partzeien Eyd.

**I**ch N. schwere/das ich so arm sey  
Lauch an fahrenden vnd liegenden Güttern/  
oder Schulden nicht vermag/die Sanktley gebür  
zuerlegen/noch einen Advocaten zubesolden/das  
ich auch vns leistung willen dieses Eydes / mein  
Gut oder Habe nicht verauffert/noch andern über-  
geben habe/trewlich vnd ohne gefehrde/Als mir  
Gott helffe.

Von den Schreibern/ so zu dem ver-  
setzen verordnet.

**W**eil alles Rechtlich es einbringen  
vom Munde in die Feder geschehen sol/So  
wollen wir aus vnsern Copisten in der Sanktley/  
nach



nach gelegenheit/Schreiber verordnen lasse/welche zu jederm Termin/vornemlich darauffwarten/das sie dasjenige/was die Advocaten in versetzen dictiren werden/nachschreiben/Sollen deswegen dieselben auff den bestimbten Termin/zurechter zeit/damit die Advocaten ihrenthalben nicht geseumet/noch aufgehalten werden dürffen/auffwarten/alles/was vom Munde in die Feder versetzt wird/deutlich/fleißig vnd trewlichen nachschreiben/auch was ihnen sonst zu den Rechtsachen gehörig/zucopiren/von den Rätchen/oder Gerichts Secretario/befohlen wird/dasselbe mit fleis umbschreiben.Sonderlich aber sollen sie aus den Acten,darinnen beweisung gefüret/von allen eingebrachten Beweisungs Articulen/drey oder vier unterschiedliche Copyen/dergestalt machen/das man der Zeugen aussage dorunter protocolliren könne vnd President/vn Rätche/in vorlesung der Acten,derowegen nicht aufgehalten werden dürffen.

Do sie auch vermercken würden/das der Advocaten einer/die in vnserer ordnung/vnnd angeslagenem Mandat bestimbte zeit vnd maß nicht halten/sondern die in einem vnd dem andern vberschreiten würde/So sollen sie solches alßbald vnserm

D

serm



serm Gerichts Secretario zuuermelden schuldig  
sein.

**Was die Schreiber angeloben  
sollen.**

**W**eil auch diese Schreiber / vns  
ohne das / Pflicht geleistet / So sollen sie bey  
solchen Pflichten angeloben / das sie irem Ampte  
mit ganzem fleis ob sein / auch verschwiegen vnd  
getrew sein / von den eingebrachten Gerichts hand  
lungen vñ Schrifften / niemandes nichts cröffne /  
auch Copen / ohne erlaubung geben / auch darumb  
kein geschencck von niemand fordern / heischen oder  
nemen / vnd sonst alles thun wollen / was einem  
getrewen Schreiber gebüret / vngesefhrlichen.

**Von dem Fiscal / vnd seinem  
Ambt.**

**E**s sol auch ein sonderlicher Fis  
cal verordnet werden / welcher wider alle die /  
so denen von vns / oder vnsern Hoff / vñ Appellati  
onrätthen ausgegangenen Mandaten / ordnungē /  
vnd erkentnis nicht pariren, vnd derwegen poen  
fellig sein / oder auch sonst straffbar erfunden  
werden / mit allem fleis procediren, die verwirckte  
Bus



Buß von inen einbringen/ vnd hirusich des/vor  
die armen bestalten Aduocaten/gebrauchen sol.

### End des Fiscals.

**I**CH N. schwere / Nachdem der  
Churfürst zu Sachsen zc. Mein gnedigster  
Herr/mich zu einem Fiscal bestellen lassen/das ich  
solches Ampts/trewlich abwarten/der verfallene  
straff halben/ vnd was sonst mir für sachen vñ  
hendel/als Fiscaln/sürkommen/vnd Ampts hal-  
ben zu handeln gebüree/wider die straffellige/mit  
allem fleiß Procediren vnd verfahren/ Auch dero-  
wegen kein geschencck/oder einigen nutz/durch mich  
selbst/oder andere/nemen/oder jemandes von mei-  
ner wegen nemen lassen / vnd sonst alles thun  
wil/was mir dieses Ampts halben zuthun gebüh-  
ren/vnd obliegen wil/alles getrewlich/ vnd unge-  
fehrlich.

### Von den Boten.

**D**amit die Cicationes vnd an-  
dere Proceß/desto richtiger insinuiret, sollen  
hirzu drey Boten bestellet werden/welche Erbar/  
Glaubhaftig / auch schreiben vnd lesen können/  
vnd fürnemlichen darauff warten/das sie solche  
Proceß/den Parteien gebürlichen insinuiren.

Dij

Vnd



Vnd sollen derwegen dieselben/die Ladungs-  
brieffe/vnd andere Proceß/den jenigen/wieder die  
sie außgehen/im fall/do sie zu betreten / selbst in  
ire hende/wo nicht/jedoch in ire gewöhnliche behau-  
fung oder wohnung/ oder wie es inen sonst von  
dem Gerichtes Secretario befohlen wird/ zu rech-  
ter zeit/vor dem bestimsten Termin/verantwor-  
ten/vnd darauff fleiß anfehren/das sie von denen/  
welchen sie zugestalt/der verantwortung halbe/  
schrifftliche Recognition erlangen vñ einbringen/  
oder/do es nicht zuerhalten/ sollen sie selbst/wie/  
wann/ vnd weme/auch an welchem ort sie es insi-  
nuirt/mit allen vmbstenden/als bald vffschreiben/  
vnd folgens dem Gerichtes Secretario solches zu  
den Actis zubringen/verantworten.

Würde auch einem Boten iehes beschwerli-  
ches in der verantwortung der Ladung/oder an-  
derer Proceß/die ime zu exequiren befohlen/bege-  
gnē/dasselbe sol er in seiner Relation auch vermel-  
den/vnd solches vnser President vnd Rāthe/ge-  
bürlicher weise zu straffen haben.

Der Boten Eyd.

**D**ie Boten/welche zu den Rechts-  
sachen von narwen angenommen werden/ sol-  
len nachfolgenden Eyd wirklichlichen leisten.

Do



Do aber hierzu die Boten/In vnserer Cankel-  
ley/welche ohne das geschworen/ gebraucht wer-  
den/Sollen dieselben/bey demselben geleisten Eid  
angeloben/ihrem Botenampt vnd befehl getrew-  
lich/vnd mit allem fleis abzuwarten/die Gerichts  
brieffe/ so inē von vnserm Gerichts Secretario/ o-  
der inē zugeordnetem Schreiber/zuüberantworten/  
gegeben/ vnd befohlen werden/ trewlich/ vnd  
fleißiglich den jenigen/an die sie stehen/in ire eigen  
Person/do sie die betretē mügen/oder in ire gewön-  
liche behausung/oder wie es inen befohlen wirdet/  
zuüberantwortē/vnd allzeit dem Gerichts Secre-  
tario solcher vberantwortung glaubliche Relatiō  
zuthun/Tag vnd Wahlstad anzuzeigen/auff das  
ers zu den Acten bringen müge/ vnd sonst alles  
anders zuthun/das einem redlichen getrewen Bo-  
ten zugehöret/ohne alle gefehrde.

Wer vor vnser Appellationgericht ge-  
laden/auch was sachen daselbst angenommen/vnd  
Gerechtfertigt werden müge.

**A**lle vnser Prelaten/ Graffen/  
Herren/ Ritter/ Edelleute/ Rätthe auß  
Städten/vnnd andere vnser Untertanen/oder  
Lehenleute/welche als Cankelen vnnd Schrift-  
G iij fassen/



fassen/one das vor vns/vnd vnsern zur Regierung  
verordneten Räten/zugestehen schuldig sein/mü-  
gen für das Appellationengericht geladen/vnd da-  
selbst gerechtfertiget werden/Jedoch/dieweil in der  
Landesordnung außdrücklichen versehen/dz kein  
Untertan in sachen/oder hendeln/die nicht ohne  
mittel für vns/sondern vor unsere Embter/oder a-  
ber/vor unsere Consistoria, Graffē/Herrn/die von  
der Ritterschafft/oder Räte der Städte/ordent-  
lich zuentscheiden gehören/an vnsern Hoffe suppli-  
ciren, oder klagen sol/ ehe vnd zuuor er derhalben  
die ordentlichen Gerichte angelanget/vnd die ime  
vff sein ansuchen/Recht/billigkeit vnd gebürliche  
entscheidung wegerten / So wollen wir/dz dieses  
auch in vnserm Appellationengerichte in gebürende  
acht genommen/vnd derwegen die Parteien/welche  
mit ohne mittel vnter vns/sondern vnter den Emb-  
tern/oder andern Gerichten geseßen / auff ire ein-  
gewante Exceptiones, an iren ordentlichen Unter-  
richter/widerumb gewiesen werden sollen/Es we-  
re dann/das inen daselbst gebürendes Recht ver-  
wegert / vnd dessen gnugsamer schein vorgelegt  
würde/oder aber wir/ oder unsere zur Regierung  
verordnete Räte/befänden/andere erhebliche vñ  
bewegliche vrsachen/warumb die sachen billicher  
ohne



ohne mittel vor vns/als an andern orten/entschei-  
den werden solten.

Deßgleichen/weil ohne das in vnsern Landen  
zwey unterschiedliche Hoffgerichte geordnet/wel-  
che jedes Jahrs viermal gehalten werden/vor die  
gleichergestalt alle die/so vor vns zugefichen schul-  
dig/vorgeladen werden mügen/So sollen auch vn-  
sere Vnterthanen/ob sie gleich vns ohne mittel vn-  
terworffen/wiederihren willen/in erster Instantz,  
nicht one unterschied vor das Appellationgericht  
gezogen werdē/sondern es sol bey vns oder vnser/  
zur Regierung verordneten Rāthe ermessung ste-  
hen/welche sachen sie in erster Instantz an vnsern  
Hoff behalten / vnnnd in das Appellationgericht  
weisen wollen.

Vnd weil von dannen weiter nicht appelliret  
werden kan/So sollen gleichwol dieselben hierin-  
nen diese bescheidenheit gebrauchen/dā solches/wo  
ferne es die Parteien nicht selbst bewilliget/nicht  
ohne sonderliche/erhebliche vnd bewegende vrsa-  
chen/deßgleichen/das es che/dann sie am Hoffge-  
richte zu Recht anhengig gemacht worden/gesche-  
he/damit also denselben hirdurch kein einhalt ge-  
than werde/die Parteien auch/als ob inen wider  
ihren willen die erste Instantz,vnnnd das zu Recht  
nachge



nachgelassene mittel der Appellation entzogen  
würde/mit fügen sich zubeschweren/mit versach ha-  
ben/sondern dem ordentlichen Proceß/ sein gebü-  
render lauff gelassen werde.

Vnd mügen demnach/nicht allein alle vnd jede  
Appellationsachen/so von den Untergerichten/an  
vns/ als der ordentlichen Obrigkeit/ geschehen/  
von End:oder auch Beyurteilē/dauon die Recht  
zu Appelliren gestatten/in vnserm Appellationge-  
richt iustificirt werden/sondern auch in erster In-  
stantz, die/welche one mittel ordentlich vor vns ge-  
hören/oder wie bemelt/durch vns/oder vnserne Re-  
gierungsräthe dahin gewisen/oder aber/do Par-  
teien weren/die vor vnser Untergericht gehöretē/  
vnd sich in erster Instantz vor vns ire sachen recht-  
lich auszuführen bewilligten: Jedoch allein/was  
bürgliche sachen sein/ Dann souiel die Peinlichen  
sachen anlangt/weil es bißhero nit breuchlich ge-  
wesen/ das in vnserm Appellationgericht in den  
selben erkand/so lassen wir es auch dabey beswen-  
den/vnd gnedigst geschehen/wann Peinliche/oder  
Fiscalische sachen fürfallen / dz man die in vnserm  
Schöppenstul zu Leipzig/oder do in erster Instantz  
hiebenvorn daselbst erkant/an einen andern vnuor-  
dechtigen ort / zuuersprechen vberschicken müge/  
vnd



vñ also mag man es auch mit den Iniurien sachen/  
jedoch nach unterschiedlicher gelegenheit derselbe/  
halten / was aber gleichwol Injurien sachen sein/  
darinnen allein auff einen widerruff vñ eine geld-  
busse geklaget wird / die sollen in vnserm Appella-  
tiongericht auch gerechtfertiget: Wann aber einer  
etwa verbrechung halben eingezogen vnd wieder  
sine Procediret worden were / vnd er wolte hernach  
chen / dz sine vnrecht geschehen / rechtlichen ausfü-  
ren / vñnd dertwegen erstattung suchen / sollen auch  
diese sachen angenommen werden.

Vnd dieweil in solchen sachen / gute vorsichtig-  
keit zugebrauchen / vnd sonderlich der Proceß / wie  
man in vnsern Landen wieder die gefangenen zu  
procediren pflaget / wol in acht zunemen / vnd aber  
derentwegen sonderliche befehliche an die Hoffge-  
richte außgangen / wollen wir / das auch denselben  
in vnserm Appellationgericht nachgelebt werden  
sol / vnd lauter der Befehl / so viel den Proceß an-  
langet / also:

## E X T R A C T

des Befehlichs.

**D**omit die Ambts vñnd Gerichtspersonen  
hinförder mit den verbrechern zuzugreiffen /  
vñ dieselben zu gebührender straff zubringen / desto  
wenig



weniger schew haben/vñ durch vergebliche Rech-  
fertigung hieruon nichts abgeschreckt werden mü-  
gen/So wollen wir/wann hinförder eine Ampts/  
oder Gerichtsperson/ wegen eines angehaltenen  
Peinlichen Processes/ nach erörterung desselben/  
rechtlichen belanget werden wil/das jr in allewe-  
ge vff den Proceß wie derselbe in peinlichen fällen/  
bißhero in vnsern Ländern breuchlich gehalten  
worden/fleißig achtung geben/vnd euch demselben  
nach achten vnd richte sollet. Dann wie euch wiß-  
lichen/so hat man bißhero in vnsern Landen/wañ  
wider die verbrechere Ampts halben/vñ ex officio  
inquisitions weise verfahren worden/nit viel ver-  
geblicher disputationen, noch andere weitseufftig-  
keit/verstattet/ sondern erslichen die verbrechung  
Articuls weise verfasset/ dieselben in beysein der  
Gerichtspersonen den gefangenen vorgehalten/  
in dorüber gehört/ sein Aussage dorauff mit fleiß  
verzeichnet/ vñnd was daran verneinet/ darüber  
Zeugen/ auff vorgehende wirkliche Leistung des  
gewöhnlichen Zeugen Eydes/verhöret/ ire aussage  
in ordentliche Registratur gebracht/vnd dieselbe in  
die Schöppenstule/dorüber zuerkennen/überschickt/  
vnd was alsdann der straff halben/oder sonst hie-  
rüber erkant worden/dasselbe folgendis exequirē  
vñ



Vnd vollstrecken lassen/ledoch/das man sich in al-  
lewege zuuorn/vnd ehe dann die straffen ergehen/  
eigentlichen erkunde vnd gewis sey/das auch die  
That vnd mißhandlung/damit die vordrecher be-  
schuldiget/vnd darumb sie gestraffe werden solle/  
wirklichen geschehen/sonderliche Interrogatoria  
aber durch die Aduocaten zuübergeben / die ge-  
zeugnäs zu disputiren: vnd andere weitleufftig-  
keit/dardurch nur die sachen vergeblichen auffge-  
halten/der Richter müde gemacht/vnd der Ver-  
brecher oft der woluerdinten straffe enzoge wird/  
Haben wir inn Inquisition Processen, außserhalb  
der fälle/wann es etwa wegen angezogener Not-  
wehr/oder andern dergleichen/durch gesprochene  
Brtheil zu einem ordentlichen beweis kömmet/nit  
vorstatten wollen/allein wann ein gefangener für  
sich selbst/ohne Aduocaten/vnd andere weitleuff-  
tigkeit/bete/Man wolte zu außführung seiner un-  
schuld/die Zeügen/so verhöret werden sollen/die-  
ses oder anders halben auch befragen/damit wür-  
de er billich zugelassen/vnd die zeugen dorüber so  
wol/als off die Articul/ gehöret/ander weitleuff-  
tigkeit aber nicht vnbillich verhütet.

Darumb/wann jr befindet/das dieser Proceß  
in massen der in vnsern Landen breuchlich/also ge-

Eij

halten



halten/ vnd die Ampts vnd Gerichtspersonen dar  
über weiter nichts gethan / denn wo die hierüber  
erholte Breheil / mit sich gebracht / so wollen wir /  
das sie solches Processus halben nicht vertheilet /  
sondern wann nicht sonst etwa dargebracht / dz  
den sachen durch sie zu viel geschehen sey / mit er  
stattung aller auffgewanten vnkosten absolvirt,  
vnd dz in gemein dahin gesehen werden sol / damit  
gleichwol / so viel sich immer verantworten lassen  
wil / der Obrigkeit gebührende authoritet vñ Repu  
tation in guter acht gehabt / vnd mutwillige Leute  
sich derselben wiedersezig zu machen / aus derglei  
chen Processen nicht vrsach nemen mögen.

**Was vor Recht in vnserm Appellati  
ongericht gehalten werden sol.**

**W**ann soll in vnsern Appellation  
gericht fürnemlich die außgegangene Lan  
des ordnung vnd Publicirte Constitutiones, auch  
was wir hierüber ferner verordnen werden / vnd  
dann das Landübliche Sächssische Recht / in acht  
nemen / was aber in denselben außdrücklich verse  
hen / sol man nach des heiligen Reichs Constituti  
onen vnd Abschieden / vnd nach gemeinen beschrte  
benen Rechten / vrtheiln vnd erkennen / wann auch  
etwann



etwann in vorfallendē sachen eines besondern ortes/von dannen die felle an vns gelanget/erbare gute Ordnung/Statuten vnd redliche beständige gewonheiten angezeget vnd gleichbleiben dargethan würden/sol man auch dieselben zur gebär in acht haben.

Ob auch diese Ordnung in etlichen Puncten oder Articulen den gemeinen beschriebenen Rechten entgegen were/So wollen wir solches/nach gelegenheit vnserer Lande/vnd dorin hergebrachten vbllichen Processen/zu schleuniger beförderung desselben/hiermit gesaget/Constituirt vñ verordnet/Auch derowegen aus Schurf. macht vnd Obrigkeit/solcher puncten halben/den gemeinen Rechten/in vnsern Landen derogirt haben.

**Von außbringung der Ladung vnd anderer Process.**

**S**o jemandes Ladung/Inhibitiones/oder andere Process/in sachen so vor vnserm Appellationgericht anhengig/gemacht/vñ daselbst geörtert werden sollen/außbringen vnd erlangen wil/sol derselbe solche/durch eine schriftliche Supplication/von seinem Advocaten/so er hiezu gebraucht/vnterscriebē/in vnserer Kanzelen/

E iij

o de



vor unsere/zur Regierung verordnete Rätche/für  
bringen/welche hierauff/nach befindung/die Ci-  
tationes, vnd alle andere/vor das Appellationes  
richt gehörige Proceß/ zwischen denen hierzu be-  
stimbten Terminen/mit zuziehung vnsers Presi-  
denten/ wann der zur stelle/ zu decerniren, vnd zu  
dirigiren, haben sollen.

Vnd sollen in der Supplication, darinnen umb  
Ladung oder andere Proceß angesucht wird/ die  
sache/darumb das andere theil vorgeladen/ oder  
sonsten/wz wider dasselbe gesucht wird/dermassen  
klarlich vnd deutlich gesezet vnd vermeldet wer-  
den/damit/ beyde die jenigen/welche dorauff zu de-  
cerniren haben/solches desto eigentlicher zuuerne-  
men/vnd auch die Citation vnd andere Proceß/  
desto förmlicher doraus genommen/vñ also gestalt  
werden/das der/so Citirt, gnugsamen bericht/wo-  
rumb er fürgeladen/entpfahet/vnd sich aus vnwis-  
senheit desto weniger zuentschuldigen haben mü-  
ge.

Es sollen aber solche Ladung/so wol als andere  
Proceß/in vnserm namen vnd vnter vnserm Can-  
celey Secret außgehen.

Item/Es sollen die Citationes vnd Ladungen  
allwege peremptoris, vnd zu fruer Tagheit gesezet/  
vnd



und dem Part/der geladen wird/nach Landlöblich-  
chen/Sachs. Rechten/6. Wochen vñ 3. Tage vor  
dem Gerichtstage/durch einen geschwornen Bo-  
ten in seine Behausung/oder in seine Wohnung/  
verkündiget/und die Relationes darauff/mit fleiß  
zu den Acten gebracht werden.

Deßgleichen/damit man der Insinuation, vñ  
Relation desto gewisser sein möge/ So sollen die  
Citationes dem Part/ welcher darumb ansuchet/  
oder jemandes/ dem gegenheit zuüberantwortet/  
nicht zugestellt/ sondern allewege durch einen ge-  
schwornen Boten/ insinuirt, Dem ansuchenten  
theil aber/wann er gleich selbst zur stelle were/ ein  
sonderlicher Tagzettel gegeben/ und derselbe nebe  
der Citation vñ Relation mit allen vmbstenden/  
wann/und wem er zugestellt/zu den Acten registriert  
werden.

Weil sich aber auch offtmals mit Insinuirung  
vñ Citation so an die jenigen halten/welcher Gü-  
ter den glaubigern albereit eingereumet/die aber  
sonsten vnter vns nit gesessen/noch anzutreffen/vñ  
doch gleichwol für vns zugestehen schuldig/aller-  
hand vnrichtigkeit zuregt/so sollen solche Citatio-  
nes, in die verholffene Gütter insinuirt werden/  
und die Inhaber derselben Gütter/welche sie nicht  
eigen



eigenhämlich/ vnd erblich an sich bracht/ solche  
Citationes folgens an die / welcher wegen sie die  
Gätter inne haben / zuuerfertigen schuldig sein/  
Die wir auch hiermit wollen verwarnt haben.

**Von Appellationen / wie die ange-**  
nommen/ vnd Iustificirt werden  
sollen.

**W**Ann einer von einem Urtheil/  
oder andern zugesägten beschwerungen/  
dauon man im Rechten Appelliren mag/ sich an  
vns beruffen/ vnd solches vor dem Vnterrichter/  
vnd in gegenwart desselben thun wil/ Sol er ent-  
weder alsbald vnd in continenti, nach eröffnung  
des Urtheils/ oder zugesügter beschwerung / mit  
lebendiger Stimme/ oder zum lengsten / innerhalb  
zehen Tagen/ in Schrifften/ mit anzeigung der ur-  
sachen seiner beschwerung/ Appelliren/ auch als-  
bald vmb Apostolos ansuchen / vnd sol der Rich-  
ter/ von deme Appelliret / ihme darauff nach gele-  
genheit der sachen / entweder Reuerentiales oder  
Refutatorios/ förderlich mittheilen/ Auch darinne  
den Appellanten eine Monatsfrist / von der zeit  
an/ do die Aposteln gegeben / zurechnen ansehen/  
In welcher zeit er sich bey vns/ oder/ vnsern zur  
Regierung



Regierung verordneten Hoffrätchen / angeben /  
vnd vmb Rechtfertigung der Appellation / ansu-  
chen sol / Wann aber der Appellant innerhalb sol-  
cher gesetzten zeit / die sache an vnserm Hoffe nicht  
anhengig machen würde / Soll alsdann die Appo-  
pellation für desert geachtet / vnd gar nicht ange-  
nommen / Es könnten dann / der vorhindernis hal-  
ben erhebliche vrsachen fürgewand werden.

Diueil aber auch in vnser geliebten Herrn  
Großvaters / löblicher vnd Christlicher gedech-  
nis / außgegangenen Constitutionen / die Appel-  
lationes coram Notario & testibus, verstatet / So  
lassen wir es auch bey demselben bewenden / wol-  
len allein / das auch dergleichen Appellationen  
auff's lengste / inerhalb Monatsfrist / von zeit an /  
da sie eingewand worden / bey verlust derselben /  
an vnserm Hoff anbracht werden sollen / vnd weil  
sich ihrer viel dieses Rechtlichen mittels oft miß-  
brauchen / so sol zuuor / vnd ehe dann solche coram  
Notario & testibus beschehene Appellationes an-  
genommen werden / den Vnterrichtern förderlich  
vmb bericht geschriben werden / damit man auß  
demselben der sachen gelegenheit desto besser zu-  
uernemen / vnd nach befindung / ob der stat zuge-  
ben / entschliessen haben müge.

S

Sons



Sonderlich aber/sol von angestalten hülff:n/  
vnd extra judicialibus grauaminibus, keine Appel-  
lation angenommen werden/Es sey dann/das das  
beschwerte theil/die vrsachen seiner beschwerung/  
vor dem Vnterrichter/exceptiuè eingewand habe/  
vnd dieselben aldar nicht angenommen/oder nicht  
erwogen werden wollen.

Wann nu also die Appellation an vnserm Hof-  
fe angenommen/ so sol der Appellant schuldig sein/  
dieselbe auff den negstfolgenden Appellation Ter-  
min zu iustificiren, auch hierzu Proceß gebürliche  
außzubringen/ Dann obwol sonst die beschriebe-  
ne Rechte / den Appellanten hierzu ein sonderlich  
Fatal verstaten / weil sie aber danner noch darneben  
dem Oberrichter frey lassen/solchen Termin zuuer-  
kürzen/ vnd in vnserm Hoffe es also herkommen/  
vnd allewege breuchlich gewesen/das man gewis-  
se vnterschiedliche Termin angesetzt/auff welchen  
die Appellationes iustificirt werden sollen / Wie  
dann auch derowegen Hohermelter vnser Herr  
Großvater/ Churfürst Augustus / Christmilder  
gedecheniß/sonderliche Befehliche außgehen las-  
sen/So wollen wir/das auch nochmals hirob ge-  
halten werden sol.

Darumb/wann der Appellant nicht alsbald  
auff





auff den negsten Termin / seine Appellation justifi-  
cirt, So sol alsdann diese be(er habe gleich Citati-  
on selbst außbracht / oder were auff anhalten des  
Appellanten citirt, vor desert vnnnd erloschen ge-  
sprochen vnnnd erkant werden / Es were dann der  
erste Termin der eingewanden Appellation so na-  
he / das er zu außbringung der Citation, die gebü-  
rende Sächssische frist nicht hette haben mügen /  
Oder er könnte sonst gnugsame erhebliche vrsa-  
chen darthun / dardurch er Ehehafftiglich an Iusti-  
ficirung seiner Appellation gehindert / vnnnd abge-  
halten worden were / damit sol er / anderer gestalt  
nicht / dann so fern solches zu Recht krefftig / zuge-  
lassen werden.

Nachdem sichs aber auch oft zutregt / das die  
Appellanten / wann sie nur die eingewandte Ap-  
pellation einmal anhengig gemacht / sich ferner  
vmb die Acta primæ instantiæ nit groß annemen /  
Sondern dieselben / weil ohne solche Acta zur ju-  
stification nicht zu kommen / wol vorsehlich zurück  
halten / vnnnd dardurch die sachen in die lenge ver-  
geblich auffziehen / So sol hinfüro damit an Iusti-  
ficirung der Appellation / wegen mangelung der  
Acten erster Instantz, nicht hindernüs fürfalle / ein  
jeder Appellant / vor dem Termin / oder vffs lengste

F ij

deno



denselben Termin/solche Acta einzubringen/ vnd  
wann er vermerckt das die sachen durch den Vn-  
terrichter verzogen werden wollen/ an denselben  
compulsoriales, noch zwischen den Termin/ zu su-  
chen schuldig sein/ vnd damit man hierauff ferner  
nachrichtung haben müge/ an weme der mangel  
sey/so sol in solchẽ Compulsorialibus, dem Richter  
ein gewisser Termin/innerhalb welchem er mit den  
Acten fertig werden sol/bestimmt/ vnd wann die  
Acta, wegen der menge/ in derselben zeit nicht kön-  
nen umbgeschrieben werden/der Vnterrichter inn  
zeiten solches berichten/vnd sich/ wann er damit  
fertig zu werden verhofft/eigentlich erkläret/Auch  
daran sein/das seinerhalben kein verzug fürsalle/  
Sonsten aber/vnd do die Acten auff bestimmten  
Termin nicht einbracht werden/noch auch der Ap-  
pellant vmb Compulsoriales an den Vnterrichter  
angefucht/Eol er sich ferner mit dem Vnterrichter  
nicht zuentschuldigen/ Sondern/wo er nicht an-  
dere erhebliche vrsachen vorzuwenden/ die Appel-  
lation auch daher für delert vnd erloschen geacht  
werden. Von den Sportulis.

**D**ie Sportuln vnd Gerichtes-  
gebür/sollen allewege ehe/dann man in der  
sachen zuuersehen ansethet/von den Partheien/oder



der dero Anwalden/ entrichtet/ oder die Aduocaten  
sonsten zuuersehen nicht zugelassen werden.

### Vom Rechtlichen Einbringen.

**S** A auff die außgegangene Ci-  
tationes. zu den bestimbten Rechtliche Ter-  
min/ ein oder das andere theil/ in denen vor dem  
Appellationsgericht/ anhängigen sache/ vorzubrin-  
gen/ das sol unserm Hoffbrauch nach/ alles vom  
Munde in die Feder versetzt/ vnd einbracht/ vnd  
derwegen kein Schriftlicher satz angenommen/  
noch verstattet werden/ das man aus der Charten  
dicke. Wann auch gleich die Parteyen sich dessen  
anders mit einander vergliche/ jedoch ist hierdurch  
niemandes benommen/ ein kurz verzeichnüss oder  
Memorial, der nothurfft sich doraus zuerinnern/  
vor sich zu haben/ vnd sol beyderseits/ auff jedern  
Termin/ mit dreyen sehen wechselsweise/ ante, &  
post litem contestatam, zum Brtheil beschlossen/  
vnd hierüber fernere seze nicht verstattet/ Aber  
gleichwol im letzte satz keine newerung einbracht/  
Der do es geschehe/ dieselbe doch/ in stellung der  
Brtheil/ obergangen werden/ es sol auch mit sol-  
chen sehen/ als bald den Tag/ so in der Citation be-  
stimbet/ der anfang gemacht/ vnd innerhalb denen  
F iii Tagen/



B. Tagen/ so vnser Mandat mit lit. B. zulesset/ zum  
Brthril beschlossen werden/ vnd sol derwegen der  
Gerichts Secretarius/ wann solche tage fürüber/  
den Partheien die Acta ferner nicht folgen lassen/  
ohne sonderlich vorwissen/ vnd erlaubnis vnserer  
Presidenten vnd Rätthe/ welche nach vorkommendē  
vmbstenden der sachen/ ob vnd wie lang hierüber  
das sehen zuuergönnen/ zuermessen haben sollen.

Wir wollen auch/ das solches versehen allein  
in vnserer Kanzley/ in der darzu verordneten  
Stuben/ vnd keinem andern ort geschehen/ vnd  
derwegen keinem Aduocaten/ noch Anwalden die  
Acta aus der Kanzley in seine Herberge oder be-  
hausung gefolget werden sollen/ er bringe dann so  
viel scheins bey vnserm Presidenten vnd Rätthen  
für/ das er durch Ehehafte Leibesnoth/ an die vee-  
ordente Gerichtsstelle zukömen verhindert were/  
Dorauff sich alsdann vnser Rätthe/ nach besin-  
dung vnd gelegenheit der sachen/ zuerzeigen wis-  
sen werden.

Mann sol auch im versehen/ alle weitleufftig-  
keit sowiel inier möglichchen/ vermeiden / vnd allein  
das/ was zur sachen dienlich/ vnd derselben noth-  
turfft erfordert/ auffss kürzte/ als sichs leiden wil/  
fürbringen/ Sonderlich aber sol man sich aller  
'npff.



schimpflichen/spöttischen vnd chre- rürigen wort  
enthalten/vnnd do einiger Aduocat oder Part/in  
einem oder dem andern punct/ hierwider handelt/  
der sol nach befindung/wie oben in Titul von den  
Aduocaten vermeldet/ in straff vertheilet/vnd die  
von ime vnnachleßig einbracht werden.

Es sol auch dervwegen ein jeder Aduocat schul-  
dig sein/seine Namen bey dem satze zu unterschrei-  
ben/ damit man desto besser innen werden müge/  
welcher sich dieser vnser Ordnung gemess erzeige/  
oder die vberschreite.

Diemeil auch etliche Partheien von vnserm  
Hoffe weit entseffen vnnd wann sie des versezens  
halben dahin allewege vorbecheiden werden sol-  
ten/hierzu grosse vnkosten gehören würden / wel-  
che mancher armue halben außzulegen nicht ver-  
mag/ So lassen wir gnedigst geschehen / dz vnser  
Räthe/auff der Partheien ansuchen / aus diesen  
vnd andern bewegenden vrsachen/die wir zu irem  
ermessen stellen/ die sachen in vnserne negst angele-  
gene Embter/daselbst zuuerseze committiren mü-  
gen/ Jedoch/dz es ohne sondere vrsachen nicht ver-  
stattet werde. Wann es aber geschieht/ So wolle  
wir/das die verordneten Commissarien, gleicher  
gestalt an keinem andern ort/dann in der gewön-  
lichen



lichen Anwesenden/ versehen lassen/ Auch sonst  
mit fleis darauff achtung geben sollen/ damit sich  
die Advocaten diesem allen gemess erzeigen.

Wie wider die aussenbleibende Par-  
thyen Procedirt werden sol.

**W**ann der Kläger/ oder desselben  
Anwalt/ auff den angesetzten Rechtstag  
nicht erscheinen würde/ sol er dem Beklagten in  
Gerichtskosten/ vnd Caution de lite prosequen-  
da, vertheilet/ auch beklagter auff sein ansuchen/  
nach gelegenheit ab instantia absoluir, vnd dero-  
wegen Klegter ferner nicht zugelassen werden/ er  
erstatte dann beklagtem die Gerichtskosten/ vnd  
bestelle einen Vorstand/ das er hinfüro zum Ge-  
richt gehorsamlich erscheinen wolle.

Do aber der Appellant nicht erscheine/ vnd sol-  
ches geschehe in termino justificationis, Ist oben  
vermeldet/ das die Appellation für desert erkand  
werden sol/ Geschehe es aber hernacher/ nach dem  
auff die justification zum theil verfahren/ Sollen  
vnserer zum Appellationengericht verordente Presti-  
dent vnd Rätthe/ die Acta primæ instantiæ, so wol/  
was nach eingewander Appellation einbracht/  
mit fleis ersehen/ vnd dor auff in meritis erkennen/  
Oder/



ff  
ch  
:  
n  
g  
n  
n  
/  
re  
er  
d  
e  
I  
n  
d  
n  
n  
b  
/y  
/r  
/n  
/l


*[Faint, illegible text, likely bleed-through from the reverse side of the page]*



































oder dem andern/gebürliche folge/auff jr vntersa-  
gen nicht haben könten/Sollen sie solches alsdani  
an vns gelangen lassen/wollen wir vns gegen den  
vugehorsamen mit gebürlicher vnd ernstlicher  
krass dermassen zu erzeigen wissen / damit zu spü-  
ren / das wir diese vnser Ordnung vnuerbrüch-  
lich gehalten haben/auch menniglich dabey schüt-  
zen wollen. Behalten vns aber gleichwol beuor/  
dieselbe jederzeit / durch weitem zeitigen rath/ zu  
uermehren/zuerbessern. Zu vorkunt mit vnserm  
Churf. Secret besiegelt/ vnd geben zu Dresden/  
den 7. Octobris Anno 1605.

## Ordnung wegen des verfahrens

mit litera

A.

**D**er Churfürst zu Sachsen /  
vnd Burggraff zu Magdeburg etc. Unser  
gnedigster Herr / lesset hiermit allen vnd jedern  
Aduocaten / welche in diesem S. Churf. Gn.  
Amte in Rechts vnd Appellationsachen den  
Parteien dienen/vnd derselben notturfft versehen  
anzeigen vnd vermelden/Nachdem S. Churf. Gn.  
berichtet/wie seümitig vnd nachleszig ekliche bemel-  
ter Aduocaten/ sich bisshero im Rechtlichen versee-  
hen/erwiesen/ vnd die sache ganz vnbillicher weise

H

pro



protrahiret vnd auffgezogen/ Das mehr bemelte  
Aduocaten hinfüro/nach gelegenheit/vnnd wich-  
tigkeit der sachen/von dem Präfigirten Termin an  
zurechnen/wo nit eher/doch zum allerlangsten ins-  
merhalb 7. Tagen genzlich absetzen vnd beschlif-  
fen/sie auch keine weischwellige/vnd zu den sachen  
vndienliche geseze/weder dictando ex charta,noch  
sonsten Schriftlicher weise einbringen/vnnd den  
Acten einschreiben / Von dem Schöffler alhier der  
Aduocaten vnd Anwälde/Tauff: vnd Zunamen/  
Deßgleichen zeit/stund vnd tag/wann zuuersehen  
angefangen/vnd vffgehört wordē ad Acta notirt  
vnd gezeichnet. In verbleibung dessen allen aber/  
nit allein die Acta vorbeschlossen gehalten/vnd zu  
verfassung Rechtlicher erkentnis/in En. Churf.  
G. Kankelen/ vberschickt / Sondern auch offthe-  
melde Aduocaten/nach befindung irer nachlesig-  
keit vnd verzögerung der sache/in gebürliche straff  
genommen werden sollen/darnach sie sich allerseits  
genzlich zu richten. Zu vorkunt/mit Enr. Churf.  
G. Kankelen Secret besiegelt, Signatum Dresde  
den 3. Aprilis Anno 1605.

Ordnung wegen des verfahrens

mit litera.

B.

Bolt



**I**n Gottes gnaden / wir Chris-  
tian der ander / Herzog zu Sachsen / des  
Heiligen Römischen Reichs Erzmarschalch vnd  
Churfürst zc. hirmit thun kund / Obwol / die weis-  
land Hochgeborne Fürsten / Herr Augustus / vnd  
Herr Christianus der erste / beyde Herzogen vnd  
Churfürsten zu Sachss. zc. vnser vielgeliebter Herr  
Großvater / vnd Herr Vater / Hochlöblichster seli-  
ger gedechtnis / aus sonderlicher Churf. grosser  
vorsorge / rechtmessige gewisse ordnung verfasset  
vnd begriffen / wie / vnd welcher gestalt / es in ihrer  
G. G. vnd numehr / nach ihrem seligen absterben /  
vnserm Appellationengerichte alhier / von den Par-  
teien vnd Advocaten / in Rechtlichem versehen ge-  
halten werden sol / vnd solche an gewöhnlicher Ge-  
richtsstelle öffentlich anschlagen / vnd publiciren  
lassen / damit sich menniglich darnach richten /  
vnd keine vnwissenheit fürzuvenden haben möch-  
te / Inmassen dann auch ire selige G. G. sowol vn-  
ser gewesener / der Chur Sachsen / Administrator  
vnd Vormünd zc. Christmilder gedechtnis / da-  
rob vestiglich / steiff / vnd vnuerbrüchlich zu halten /  
befohlen / So wird vns doch glaubwürdig für-  
bracht / wie darwieder allerley grosse mißbreuche  
vnd mengel eingefüret / vnd dahin / in sonderheit a-  
ber

Hij

ber



ber/von den Advocaten getrachtet werden solle/  
wie solche wolmeinende/von vnsern hochgeehrten  
Vorfahren/diesen Landen zum besten/verfaßte Ord-  
nung / wo nicht genzlich auffgehoben/doch auff  
wenigsten/den effectum nit erreichte/darzu sie an-  
fenglich angesehen/verordnet/und statuirte worde.  
Wann wir dann solchen mißbreuchen und vnwe-  
sen ferner nachzusehen nicht gemeinet/Als haben  
wir izt angedeute mißbreuche/und solch vnbesugt  
beginnen vnd fürnemen der Advocaten / durch  
nachfolgende Ordnung genzlichen abschaffen/vñ  
derselben allenthalben vnuerbrüchlich nachzule-  
ben/Krafft dis anbefehlen wollen.

Nemlichen:

Demnach die Advocaten bißhero öftters ganz  
vndienliche/weitleufftige/ grosse Gesetze/allein zu  
ihrem selbst nutz/und verwirrung der Pa-  
rtien vnd  
sachen/einbracht / durch welche vnser verordents  
President vnd Appellationräthe / nit lesen nit  
verdrößlich auffgehalten werden.

So sollen hinfüro bemelte Advocaten/die me-  
rita cause, förmlich/rund/kurz/klarlich vnd rich-  
tig/ohne vnntüzes geschweiz/setzen vnd einbringen/  
damit die sachen nottürfftiglich eingenommen/und  
dorauff dem Rechten vnd billigkeit gemess/ geur-  
theilet werden möge/ In vorbleibung aber dessen/  
sollen



folken solche weitleufftge/ vnd vndlenliche Gesetze/ nicht versprochen/ sondern der Advocat in die Expens desselben Termins vortheillet werden.

Ein jeder Advocat/ sol alsbald anfangs des verfahrens/ seinen/ so wol des Anwaldens/ Rauff: vnd Zuriamen / auch bey jederm Sake den Tag vnd stunde/ wann solcher einbracht/ angefangen/ continuirt/ damit auffgehöret/ vnd concludiret, worden / den Sankelenschreiber in margine notiren vnd auffzeichnen lassen/ Auch ehe sie ansahen zusehen/ die Sankelen vñ Vrtheils gebür alsbald erlegen vnd abtragen/ vnd ohne dis/ inen nit nach geschrieben oder zuuersehen verstattet werden.

Dieweil die Advocaten gemeiniglich kaum eine stunde / offters auch nur eine halbe stunde zu worn/ ehe man von der Sankelen gehet/ zu kommen/ vnd sich zum verfahren anzugesē pflegen/ auch wol nur einen anfang von wenig zeilen machen/ vnd es dabey/ bis auff den andern Tag/ auch wol lenger/ verbleiben lassen/ darauff nichts anders erfolgt/ als das newe Termin herbey rucken/ die Cause judiciales geheufft / darinnen langsam concludirt, vnd die Schreiber darnach in solcher menge vnd accumulation causarum, nicht in allen sachen zugleich / auff einmal nachschreiben können/ da sonsten / wann die Advocaten alsbald jeden Ter-

Hij

min/





Am/ zu rechter zeit / Morgens vnd nach Mittage  
in iudicio angingen/ das setzen continuirten, vnd  
desselben fleißig abwarteten/ die sache eines theils  
teglich sich endeten. vnd ablieffen / So sol dis hinfüro  
genzlich abgeschafft sein/ vnd ein jeder Aduo-  
cat alle tage zu rechter früher Tagzeit/ inhalts der  
Parteien Citation, sich in locum iudicij verfügen/  
bey dem Gerichtssecretario sich angeben/ dz setzen  
gebürlich anfahren/ continuiren, vnd vollenden/  
damit dis als keine klage sey/ oder vnserer ernstest  
straffe gewertig sein.

Vber dis/ werden wir berichtet/ das etliche der  
Aduocaten/ offters nur ire Schreiber/ (bißweilen  
auch wol nur ire Jungen) in die Versetzstube schi-  
cken/ vnd die daheim concipirte Gesetze/ dictando,  
ad Acta bringen lassen. Weil dann solches wider  
die promulgirte Constitution, vnd lange verzöge-  
rung der sachen verursacht/ Sol hinfüro dieses  
genzlichen abgeschafft/ vnd verboten/ dargegen a-  
ber den Aduocaten dis hirmit auffgelegt/ vnd be-  
fohlen sein/ wann künfftig im versetzen etwas von  
Briefflichen Urkunden/ vnd documenten durch  
dieselben producirt wird/ dz solche urkunden als-  
bald in ipso momento, jedes mal/ vnd allezeit/ in  
margine des Gesetzes/ mit literis oder signis, von  
den Aduocaten notirt werden sollen/ damit zuerse-  
hen/



hen/wohin/und zu welchem punct vnd ort / solche  
Bekunden gehörig sind.

Demnach sich auch die Aduocaten vnd An-  
wälde im eingange der Gesetze offters auff ihre  
Mandat referiren. dieselben aber noch nit off die  
sinnen vberschickte Plancket, gestellet haben / sich  
auch manchmal in iren setzen auff Bekunden als  
würden sie producirt vnd mit eingelegt/ziehen/sol-  
che Mandat vnd Bekunden aber / in eo ipso actu  
des versetzens/ vnd in continenti nicht/ sondern erst  
hernach/ oder auch wol vber etliche Tage/ den A-  
cten beybringen/ vnd einschicken/ mit fürwendung  
vnd entschuldigung / es were vergessen worden/  
Oder/ sie hetten solche nit eher zu handen bringet/  
noch haben können ( Welches dann vnrecht / vnd  
vil vergebliches nachsuchens in Actis verursacht).  
Als sol diser eingerissene mißbrauch hinfüro auch  
genzlichen abgeschafft/ vnd hircdurch ernstlich ver-  
boten sein.

Die Aduocaten eins theils/ sollen auch offts-  
mals nur die blossen vberschickten Plancket, an-  
stat der Vollmachten/ im setzen produciren.

Diemeil aber dis ein ganz gefehrlich thun/  
Sintemal ein solch Plancket leichtlich von den A-  
cten kommen vnd zu andern sachen (wie man wol  
erfahren hat) bößlichen gebraucht werden kan/  
So



So sol dieses/bey straff/abgeschafft vnd verbotten  
sein/vnd ein jeder Aduocat oder Anwald/sein rich-  
tig gestellet Mandatum, alsbald im eingange des  
setzens/produciren, ad Acta legen/vnd in margine  
notiren, Inmassen dann auch etnem jeden Aduo-  
caten hinfüro auff einmal nit mehr denn nur eine  
sache/zur expedition, zu verhüttung allerhand vn-  
richtigkeit / so biß anhero fürgekauften / vom Ge-  
richts Secretaris heraus gegeben werden sol.

Nachdem wir auch berichtet/ wie sehr langsam  
vnd spat/auch wann die geschworne Gerichtsbo-  
ten albereit mit den Citationibus auff's Land aus-  
geschickt worden/von den Aduocaten vnd Anwäl-  
den vmb Termin / vnd Ladungsschrift angehal-  
ten vnd angesucht wird / mit fürwendung / ob  
gleich die Boten albereit abgelauften weren/sie/  
Bemelte Aduocaten/Anwälde/ oder Parteien/die  
Citationes an das gegentheil wol selbst bestellen/  
vnd insinuiren lassen wolten / So ist doch solches  
dem Rechten vnd Gerichtsbrauch zuwieder/wer-  
den offemals Aduersæ parti die Ladungsschrift  
zu præjuditz vnd gefehrlicher weise hinterhalten/  
Kan auch in solchen fällen / vnser verordnete Ge-  
richts Secretarius/richtige Relation nicht haben.

Derohalben wollen/ordnen vnd setzen wir hie-  
mit/das von nun an/vnd ins fünfftige/ allezeit 10.  
oder


































Faint, mirrored text bleed-through from the reverse side of the page, including the name "JOHANN GEORGEN" and other illegible words.













A 54543

ULB Halle

3

006 516 483




R


VD 17












6

Des Durchlauchtig-  
sten / Hochgebohrnen Fürsten vñnd  
Herrn / Herrn Christiani des andern / Herzogen  
zu Sachsen / des heiligen Römischen Reichs Erzmar-  
schaln vñnd Churfürsten / Landgraffen in Düringen / Marggraffen  
zu Meissen / vñnd Burggraffen zu Magde-  
burg.

Appellation Ordnung, / wie es  
forthm in deroselben Appellationengericht ge-  
halten werden sol.



CVM GRATIA & PRIVILEGIO.  
Gedruckt zu Dresden / bey Hieronymo Schickel/  
Anno 1607.